



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De experientia nostræ patientiæ: quæ probatur & exercitatur à proximo  
per iniurias tam verborum, quàm operum. Cap. LXXIIII.

**urn:nbn:de:hbz:466:1-37362**

re, & cunctis mentis motibus ex virtutum arce dominari? Quiigitur patientiam tenet, animam possedit: quia inde contra cuncta aduersa fortis efficitur, unde sibi semper ipsum vincendo dominatur. Mens autem, secundum Gregor. si in Deo fortis intentione dirigitur, quicquid sibi in hac vita amarum sit, dulce aestimat, & omne quod affligit, requietum putat. quia vita praesentis amaritudines ardenter amat, & funditus in infinitis extingui desiderat, quo verius ad summa concédat.

De experientia nostra patientie: quae probatur & exercitatur à proximo per iniurias tam verborum, quam operum.

Cap. LXXIIII.

**S**icut lilyum inter spinas, sic amica mea inter filias. Cantic. 2. Quasi diceret Christus. Sicut ego, qui sum flos campi, & lilyum conuallium, fui inter Iudeos, Scribas & Phariseos multa passus, sicut lilyum inter spinas, cum patientia tandem portans Crucem, & coronam spineam, sic anima sancta, quae vult esse amica mea, esse debet inter filias, id est, fragiles peccatores, ad bene operandum, & voluntarie sustinendū, quia, ut ait Gregorius, Abel esse renuit, quem Cain malitia non exercet, & bonus non fuit, qui malos tolerare non potuit. **Sicut ergo lilyum inter spinas** crescit, & punctum redolat, sic amica mea inter filias, id est, mentes seculares proficit, & per iniurias puncta, gratias agit. Nā, secundum Bernardum, spina est culpa, poena iniuria, falsus frater, & malus vicinus. Istis spinis mundus est plenus: **inter quas amica viriliter** resistendo, seu patienter sufferendo, conuersari habet, ut ex utroque crescat & redoleat,

Hic igitur secundo loco videndum est de his, quae malitia cooperante humana, boni patiuntur, ut quasi lilyum inter spinas inueniantur, & in exhibitione patientiae diuinæ dilectionis plenitudinem manifestius habere comprobentur. Nam et si probatio dilectionis est exhibito operis, probatio tamen multo validior est sustinentia tribulationis. Hinc eodem amoris affectu, quo misit Deus Pater Unigenitum ad patientem pro nobis, vult etiam adhuc pati dilectos filios, ut gloriosi filialis excellentius participes fiant. Quod si pati non fuisset maximum in merito, nunquam illud ex obedientia imposuisset proprio Filio. Tantam proinde Philosophi iudicabant esse patientiae virtutem, quod (ut legitur lib. 3. de nugis Philosophorum) Socrates negat sapientem posse offendiri, sed aduersus omnem fortunam robore virtutis suæ manere

manere immobilem. Verus igitur & perfectus patiens non solum obliuiscitur iniurias, sed etiam se receperisse iniurias negat: quia profecto sunt adiumenta potissima perueniendi ad culmen omnis perfectionis, & eterni honoris. Nihil enim sic induit hominem perfectam Christi formitatem, sicut amorosa & tranquilla in omnibus aduersis patientia: quae cunctas virtutes ornat, & in tuto collocat. Etenim haec ultima & suprema virtutum, quae rectificat hominem ad proximum, cum scilicet iniurias patienter accipit, & inferentes viscerose diligit. Notandum igitur, quod a proximo quis suscipit iniurias duobus modis. Primo, verbis detractoris vel contumeliosis, quia Augustinus ait: Cum cœperit homo Christianus cogitare proficer, incipit pati linguas aduersantium. Quiunque illas nondum passus est, nondum proficit. Quiunque illas non patitur, nec proficere conatur. Et ideo dicit Seneca libro de morib[us]: Nondum felix es, si te turba non deriserit. Si beatus vis esse, cogita hoc primū contemnere ab alijs contemni. Huius ratio est, quia malis semper odiosa est vita bonorum: & quem Deus commendat, prauorum sermo blasphemat. Hinc Diogenes, cum ei nuntiasset amicus: Te cuncti amici vituperant. Oportet, inquit, sapientiam ab insipientibus ferri, esse enim meliorem indicat mala lingua, quem carpit. Vnde dicit Petrus Rave[n]. quod virum fortē excitat ad exercitium virtutis alieni liuoris aculeus, nec meatis oculos torpere permittit inuidia detractorum. Et ideo, ut dicitur, sexta questio primo ca[u]lo. Ques: Ipsa detrac[t]io, licet vitio detrahentium, tamen iusto Dei iudicio nonnunquam aduersus bonos excitatur, ut quos vel domestica presumptio, vel aliorum fauor in altum extulerat, detrac[t]io humiliet, & magis cautos reddat. Sicut enim ut dicit Alexander de Hales, per adulacionem mentis oculi clauduntur & excæcantur, ita per detractionem appetiunt & illuminantur. Diligenter enim perquirit, si quid in eo sit reprehensibile, quod emendet. Quapropter dicit Gregorius super Ezechiel[em], quod linguas detrahentium, sicut nostro studio non debemus excitare, ne ipsi percant, ita per suam malitiam excitatas debemus equanimiter tolerare, ut meritum nobis crescat. Quod eleganter etiam compleuerunt plurimi Gentiles. Nam Antisthenes cuidam maledicenti respondit. Non curo, quia auditus debet esse robustior lingua, cum singulis hominibus singulae linguae sint, sed avres binæ. Et Xiphophon Philosophus cuidam sibi maledicenti: Tu inquit maledicere didicisti, & ego, conscientia teste, didici maledicta contemnere. Theodosius

dosius autem Imperator legem statuit, dicens: Si quis nomina nostra crediderit esse maledicto lacessenda, nolumus eum penæ subiungere: quia si verbum ex verbali leuitate processit, contemendum est; si ex insaniam, miseratione dignum est: si ex iniuria & certa malitia, remittendum est, dicente Apostolo: Simus benigni inuicem remittentes. Ephes. 4.  
De eodem etiam refert Ambrosius, quod beneficium se reputabat acceptissimum, cum rogaretur ignoroscere. Et tunc proprior erat venia, cum esset commotio maior iracundia & optabatur in eo quod timebatur in aliis, ut scilicet irasceretur. Hoc erat remediu[m] reorum: quoniam cum haberet super omnes potestatem, quasi pars postulari malebat, quamquam quasi iudex punire, aequitatis iudex, non penæ arbitrus, qui nunquam veniam perenti negauit, nec indignationem tenere voluit. Pudeat fratre tantam patientiam non imitari, pudeat proprijs passionibus vincipueat ad vindictam protinus insanire, præfertim, quia dicit Gregorius: quod in omnipotenti Deo tunc certa fiducia est, quando cum bono opere aduersitatis aliquid in hoc mundo recipitur, ut plena merces in æterna retributione seruetur. Pia mens, cum se aduersa perpetriab hominibus conspicit, tunc in diuinæ gratia consolatione requiecit. Nam aduersa tolerare sapienti virtutis est exercitium, insipienti vero prævaricationis occasio est. Et quia corporis aduersa sunt animæ remedia, ideo sancti viri plus formidant prospera, quam aduersa: quia Dei seruum prospera deiiciunt, sed aduersa frequentius eridunt. Secundò, quis à proximo suscepit iniurias factas, quia cum iniusti seculunt, tunc iusti purgantur, & vilitati innocentium militat vitapraorum, dum hanc & premendo humiliat, & hamiliando semper ad meliora format. Hinc rectè per Salomonem dicitur: *Quis stultus est seruit sapiens?* Nam sapientibus conspicimus sapientes subesse, stultos autem arcem dominationis tenere: Sapientes seruiliter obsequi, stultos elevatione tyraunica dominari. *Stultus ergo sapiens* etiam dominando seruet, cum eundem ad meliorem statum premendo prouehit. Sicque Deus omnipotens eos hic per disciplinam premit, quos ab æternâ calamitate postmodù[m] eripit. Hinc unusquisque colligat, quid illic passuti sint, quos reprobant, si taliter hic cruciat quos amat. Ergo homo, iuxta consilium Senecæ, noli mala & aduersa tuatibi ipsi grauiora facere, & te querelis onerare. Leuis enim dolor facies, si leuem putas. *Quod acerbum fuit, iucundum est pertulisse.* Naturale enim est malis sui fine gaudere.

Vir autem bonus, quicquid ei acciderit, a quo animo sustinēbit. Sciet enim illud sibi accidisse lege diuina, qua vniuersa procedunt. Vnde refert Seneca de quodam Philosopho capto: Qui cūm interrogaretur: An aliquid perdidisset? Nil, inquit, quia omnia mea mecum sunt: cūm tamen eius patrimonium in prædam cesserat, filios & filias hostis raperat, patria in alienam dominationem peruererat, & tamen urbe capta, non vincitum sed in demnum esse dicebat, quia vera bona sua ut virtutes & bonos mores secum haberat. O si talis inuenitur gentilis, quid tunc faciet Christianus? cui consultū est exteriora cum seipso contemnere, & inimicos perseguentes viscere diligere? cūm & huiusmodi persequitiones & tribulationes amicis suis Deus indulget; quia, ut dicit Abbas Isaac, tribulatio parvū pro Deo patienter accepta, melior est magno opere, quod perficitur sine tribulatione.

*Patientiam perfectam officiunt vera contemplatio & perfecta dilectio Conduoris, ut exemplo beati Andreae patet.*

*Cap. LXV.*

*Psal. 119.*

*Psal. 37.*

*Jacob. 1.*

*Gene. 7.*

*Contemplatio in aduersitate.*

**S**icut lillum inter spinas, sic amica mea inter filias. Audi lillum inter spinas: Cūm his qui oderunt pacem, eram pacificus. Et iterum: Qui inquirebant mala mihi, locuti sunt vanitates, & dolos tota die meditabantur. Ego autem tanquam surdus non audiebam, & sicut murus non apriens os suum. Et factus sum sicut homo non audiens, &c. Et hoc Seneca commendare videtur, dicens: Nemo videtur mihi plus estimare virtutem, nemo magis illi esse deuotus, quam qui boni viri fama perdidit, ne conscientiam perderet. Felix proinde qui facit de necessitate virtutem, in aduersitatibus exhibendo patientiam, præsertim propter futuri præmij eminentiam: quia talis probatio patientia operatur: patientia verò perfectum opus habet: quia vera perfectio consistit in plena mortificatione naturalium passionum, ad quas conculcandas maximè iuvant, aduersitates. In cuius figura dicitur in Genesi: *Multiplicata sunt aquæ, & elevaverunt arcam in sublime.* In aduersitatibus enim homo sublimatur perfectione meritorum & contemplatione, si cum pleno fuerint affectu receptæ. Contemplatio verò potissimum dulcorat omnem aduersitatem. Dicit enim Bernardus: Videbatur mihi si ille mentibus nostris veritatis fulgor appareret, aut non sensurum fuisse illum dolorem, aut certè pro nihilo toleraturum. Nimirū cū in contemplatione charitas intensissima conquiritur, quæ cūcta amara pro